

# e-BULETIN JSKM

## **Cabaran Wanita**

*Muniroh Hamat*

### **Antara Menarik di Dalam**

- Generate e-Certificates with Autocrat
- Symbolab Matrices
- JJCM Hatyai
- Jika Diri Diuji
- Tentang Kamu
- Pengurusan Rekod
- Musafir Haji
- Wira Sejati

**Edisi April 2023**



# JJCM Hatyai

Oleh:  
Fuzyatul Norsyihah Ahmad Shukri  
& Fadzilawani Astifan Alias

Sejak akhir-akhir ini ramai orang Malaysia berpusu-pusu masuk ke Thailand terutamanya Hatyai. Tujuan utama kebanyakan rakyat Malaysia pergi ke Hatyai adalah untuk jalan-jalan cari makan. Tidak dapat dinafikan makanan Thailand memang sedap-sedap belaka.

Jom kami kongsi sedikit tempat-tempat makan yang best yang pernah kami lawati dan harganya juga berpatutan.

## Daging Bakar Danok



Untuk ke Hatyai, anda boleh masuk melalui pintu sempadan Padang Besar, Wang Kelian ataupun Bukit Kayu Hitam. Jikalau anda memasuki melalui pintu sempadan Bukit Kayu Hitam, singgahlah di Danok dahulu untuk menjamu selera. Terdapat banyak kedai makan di tepi-tepi jalan yang menjual pelbagai jenis makanan.

“  
*Daging bakarnya yang sedap dicicah dengan sos yang sedap memang sangat menyelerakan*  
”

Selain daging bakar, terdapat juga menu-menu sedap yang lain seperti pulut ayam, pulut mangga, masakan panas dan banyak lagi.

## Lee Garden Street

Kebanyakan pelancong Malaysia yang datang ke Hatyai akan memilih hotel yang berdekatan dengan Lee Garden Plaza. Hal ini kerana pada malam hari suasana di Lee Garden Street ini sangat meriah dengan jualan-jualan seperti makanan, kekacang, pakaian dan lain-lain lagi. Pelancong boleh berjalan kaki sahaja untuk menikmati suasana malam di Lee Garden Street ini sambil membeli-belah dan menjamu selera. Selain makanan yang dijual di tepi-tepi jalan, anda juga boleh pergi ke Hamid Restaurant. Tomyam di Hamid Restaurant memang padu. **Cubalah!**



## Floating Market



Floating Market boleh diibaratkan sebagai tempat 'syurga makanan'. Pelbagai jenis makanan dijual di sini. Sekiranya anda pergi ke Floating Market ini sudah pasti anda akan berasa rambang mata untuk mencuba makanan-makanan yang ada di sana. Rasa setiap makanan mungkin berbeza bagi setiap individu. Cubalah makanan yang anda ingin makan. Jangan sampai membazir pulak ya!

Seterusnya adalah Chekkar Restaurant. Anda boleh 'waze' sahaja untuk pergi ke restoran ini. Makanan-makanan di sini pun tidak kurang sedapnya juga.

“*Antara menu-menu yang best bagi saya adalah seperti ikan tenggiri black pepper, sup tulang, kerabu sotong, sotong goreng tepung dan banyak lagi.*”

InsyaAllah kalau anda datang sini pasti anda akan rasa nak datang lagi lepas ini. 😊 **Cubalah!**

## Chekkar Restaurant



## Dimsum Chabura



Akhir sekali adalah Restoran Dimsum Chabura. Di sini syurga bagi penggemar-penggemar dimsum kerana pelbagai jenis dimsum terdapat di sini. Bagi yang tidak menggemari dimsum, anda jangan risau kerana terdapat juga makanan masakan panas yang boleh anda pesan. 😊